

江西通志稿

第九〇册

江西通志

卷之四

文徵：山、水、水利、田、記目錄

山記類

晉

廬山記

釋慧遠

1

秋於敬亭送姪常遊廬山記

李白

辨石鐘山記

李渤

宋

遊廬山記

王廔

3

遊石鐘山錄

周必大

記遊廬山

蘇軾

石鐘山記

蘇軾

遊廬山記

陸游

遊小孤山記

陸游

盤古山記

曾丰

寧都金精山記

曾原一

元

遊廬山記

李洞

川

明

自建昌州還經行廬山下記

王棟

15

馬當山記

解縉

金精山記

朱敏

遊三清山記略

曹起元

遊麻姑山記略

鄧矩

遊龍虎山二十四巖記

徐學謨

廬山記

李夢璩

石鐘山記

羅洪先

清

自白虎洞遊廬山記

靖道謙

23

江西一省博物館

撫州臨汝書院後南湖記

虞集

明

開光寺觀瀑布記

王禕

37

醴溪記

梁寅

瀟溪東明記

劉一昆

霍家記

劉崧

朱蘇古渡記

陶履中

清

帶湖記

劉合清

43

水利記類

唐

新利千金陂記

柳處男

44

宋

疏泉記

寶唐記

重修千金陂記

觀卷記

白鷺洲書院永堤記

新築劍江堤記

田公堤記

清江鎮後古堤記

盤溪諸河記

修築桑落洲堤後記

重築西成堤併建閘記

重啟東外門併決塘閘記

築封郭洲堤併修閘記

孫瑛

何異

趙興翰

劉德秀

王命爵

夏良賜

吳國倫

果士濟

董裕

萬衣

萬寅亮

萬寅亮

萬寅亮

龍河橋堤記

新堤記

永濟陂記

重修黃陂記

泰和修築破塘口長堤記

紫陽堤記

饒州東湖堤記

台山大堤記

宜黃永豐陂記

重修九陂記

清

重修松沙港石堤記

重修大有陂記

韋明傑

楊廉

胡居仁

陸國儀

陳昌積

陳敏政

周廣

周志偉

周邦傑

符遂

高夢說

鄧曰旭

新城縣重修蛇岬陂記

白公堤記

開禧章濂記

重修李渠記

田記類

宋

宋相王公義田記

普水縣除屯田租記

元

白鹿洞書院新田記

樂平州慈湖書院贖學田記

孔鼎

朱斌

吳紹詩

李芳春

王葆

楊萬里

虞集

危素

明

上猶縣均田記

恢復洞田記

宗藩義田記

清

亦庵義田記

重修崇寧寺大殿并置御書樓香火田記

義田記

尹臺

陳文燭

鄧守益

張貞生

白演

梁機

晉

廬山記

晉

釋

慧遠

山在江州潯陽南南濱官亭北對九江九江之南爲小江山去小江三十里餘左挾彭蠡右傍通川引三江之流而據其會山海經云廬江出三天子都入江彭澤西一曰天子障彭澤也山在其西故舊語以所濱爲彭蠡有匡續先生者一作裕出自殷周之際遜世隱時潛居其下或云裕受道於仙人而適遊其巖遂托室巖岫即巖成館故後人感其所止爲神仙之廬而名焉其山大嶺凡有七重圓基周迴垂五百里風雲之所攄江山之所帶高巖仄宇峭壁萬尋幽岫窮崖人獸兩絕天將雨則有白氣先搏而纓絡於山嶺下及至觸石吐雲則倏忽而集或大風振巖逸響動谷羣巖競奏其聲駭人此其化不可測者矣衆嶺中第三嶺極高峻人之所

罕經也。太史公東遊，登其峰而遐觀南眺，五湖北望九江，東西肆目，苦陟天庭焉。其嶺下半里許，有重巖，上有懸崖，古德之所居也。其下有巖，漢董奉復館於巖下，常爲人治病，法多神驗，絕於俗醫。病愈者，令栽杏五株，數年之間，蔚然成林，計奉在人間近三百年。容狀常如三十時，俄而昇仙，絕迹於杏林。其北嶺西巖之間，常懸流遙霏，激勢相趨，百餘仞中，雲氣映天，望之若山，有雲霧焉。其南嶺臨宮亭湖，下有神廟，即以宮亭爲號，其神安侯也。亭有所謂感化文誌七嶺，同會於東，其巖窮絕，莫有升之者。昔野夫見人著沙彌服，凌空直上，既至，則踞其峰良久，乃與雲氣俱滅。此似得道者，當時能文之士，咸爲之異。又所止多奇，觸象有異。北背重阜，前帶雙流，所背之山，左有龍形，而右塔基焉。下有廿泉湧出，冷煖與寒暑相變，盈減經水，旱而不異。尋其源，出自於龍首也。南對高峯，上有

奇木獨絕於林表數百丈其下似一層浮圖白鷗之所翔元雲之所入也東南有香爐孤峰獨秀起游氣籠其上則氤氲若香煙白雲映其外則炳然與眾峰殊別將雨其下水氣湧出如車馬蓋此龍井之所吐其左則翠林青崖白猿之所憩元鳥之所盤西有石門其前似雙闕壁立千餘仞而瀑布流焉其中鳥獸草木之美靈藥萬物之奇畧舉其異而已耳

秋於敬亭送從姪嵩遊廬山記

唐李白

余小時大人令誦子虛賦私心慕之及長南遊雲夢覽七澤之壯觀酒隱安陸蹉跎十年初嘉興季父誦長沙西還時余拜見預飲林下嵩乃稚子嬉遊在旁今來有成人鬱負壯氣吾衰久矣見汝慙心中悲道舊破涕為笑方告我遠涉西登香鑪長山橫蹙九江郛轉瀑布天落半與銀河爭流騰虹奔雷激射萬壑此宇宙之奇詭

也其上有方湖石井不可得而窺焉。美君此行撫鶴長嘯恨丹液未就白龍來遶使人著顛先往桃花之水孤負宿願慙未歸於名山終期後來攜手五嶽情以送遠詩寧闕乎。

唐

辨石鐘山記

唐李渤

水經云彭蠡之口有石鐘山。酈元以為下臨深潭微風鼓浪水石相搏響若洪鐘。因受其稱。有幽棲者尋綸東湖沿瀾窮此遂躋崖穿洞訪其遺蹤。次於南隅忽遇雙石欹枕潭際影淪波中詢諸水濱乃曰石鐘也有銅鐵之異焉扣而聆之南聲函胡北音清越枹止響騰餘韻徐歇若非潭滋其山山涵其英聯氣凝質發為至靈不然則安能產茲奇石乎乃知山仍石名舊矣如善長之論則瀕流庶峰皆可以斯名貫之聊刊前謬留遺將來貞元戊寅歲七月八日白鹿先生記

遊廬山記

宋王庭珪

江出屬東會於潯陽。雲濤雪浪，相撞擊而下。是為九江。九江之上，有匡山崛起，名甲天下。自外望之，巍然高大，與他山未有異也。環視其中，磅礴鬱積，巖壁怪偉，琳宮佛屋，鉤綿秀絕，愈入愈奇，而不可窮。乃實有以甲天下也。予往偕計吏數取道山趾，望其巔，欲躋焉。探天池，觀造化，擘出怪譎，及其至也，不過霜飈雨雹，炎煬赤日，則陰霾宿禭，蕭然出於洞穴之中。欲冲射人，與夫虺蜺蛇虎之羣，磨牙澤吻而垂涎，鳥道蒼境之此顛墜，顏崖斷之此覆壓，有足以號魄而奪氣。凡遇是數者，不可人意。雖好遊者，不果力躋而尋目以償此願焉。政和七年十月七日，通遇武陽聶名世自圓通同宿東林觀虎溪蓮池，明日登羅漢閣。上白公草堂，至上方五杉閣，憑高望北，十六峰隱見天末，不可名狀，而香鑪一峯尤勝絕。草堂正

坐其下。宜昔時隱者之喜盤旋於此也。過西林，履地五里許，至資聖庵。資聖而上，漸峻拔，非數十步，輒一休，不可疾至。厯三茅亭，乃至錦繡園。聞春時異葩怪卉，層出雜見，相錯如錦繡然。自錦繡園，不半里，至天池。妙吉祥寺，去平地二十里矣。是夜禮文殊於瑞光亭，拜未起，而鐙光燦發於欄楯之外，大小幾百餘，鐙明滅合散，不常。僧指示曰：「此聖鐙也，予不能致，詰竊意名山蘊靈，必有神物，欲示其異，以驚眾而然邪？」抑草木竹石之自有光怪而為此邪？或謂唐會昌中，二僧藏金像於錦繡谷，恐其祥光騰溢而出，此說幾近歟？寺有貯雲庵，又在絕危巖頂，峭壁立數百仞，吐雲氣而薄星辰者，皆出手衽席之近。明日，由北影下三里，至佛手巖。巖中清涼瑩澈，可丈餘，水潏潏鳴其中，有石龍首浮於泉上，訖壯若欲奔動，視之毛髮為竦。巖西半里，登相光亭，觀擲筆峯。坐禪臺竹林道。

止，山中人傳數有僧見竹林寶刹於此，轉眄失之。故今號竹林化
寺，復從巖東北去三里許，至寶樹，即唐大林寺。白樂天嘗序此地，
實匡廬間第一境。人迹罕至，古今識遊者，饒刻未泯也。寺三里道
旁有飲牛池，池一里至峯頂寺，視者鑪峯反在其下，東有文殊四
望二臺，老松一株，極醜怪，偃於四望臺之上。若張蓋然，坐其下，以
觀浮圖之屋，穹堂奧殿，負巖架空，矗在天半。紺碧照耀，環山而四
出，九江波濤雪色，砰擺振撼，合而東去者，皆在手履鳥之下，彷彿
注視，目不得瞬，千萬丈之變態，亦不可得而窮也。於是下峯頂十
里，至普照寺，而寶興石盆護國三庵，居峯頂普照之間，又下至廣
嚴寺，遊蓮花亭，復投宿東林，觀壁間記遊者甚眾，不過徑上天池，
佛手巖而止。吾二人自謂幾覽徧山北好處，因回視江南地雄奇
內，坦夷千里，氣狀清淑，而芥山嶢突於江濱，若造物者喜設宏壯